



Br: 3/6 - 900/26 - 1143

6. april 2026.

PRIJEDLOG

PLATFORMA

za učešće potpredsjednika Vlade Crne Gore za međunarodne odnose i ministra vanjskih poslova mr Ervina Ibrahimovića na Antalijском diplomatskom forumu (ADF), Antalija, Republika Turska, 17-19. april 2026.

OPŠTE INFORMACIJE

Antalijски diplomatski forum (ADF) predstavlja jednu od najznačajnijih međunarodnih konferencija na visokom nivou, koja okuplja šefove država i vlada, ministre vanjskih poslova i diplomate visokog ranga, kao i lidere iz privatnog i civilnog sektora. Forum organizuje Ministarstvo vanjskih poslova Republike Turske, pod pokroviteljstvom predsjednika Republike Turske Redžepa Tajipa Erdogana.

Ovogodišnji Antalijски diplomatski forum biće održan 17-19. aprila, a glavna tema konferencije će biti „Mapiranje sutrašnjice, upravljanje neizvjesnostima“.

Tema ovogodišnjeg foruma izabrana je s obzirom na aktuelne geopolitičke tenzije, promjenljive ravnoteže snaga, rastuće trgovinske barijere i sve veći pritisak na multilateralizam, što u krajnjoj mjeri utiče na izmjenu aktuelnog globalnog ambijenta. Na forumu će biti diskutovano o modalitetima aktuelnih izazova, sa ciljem kreiranja bolje, bezbjednije i stabilnije budućnosti, uz identifikovanje rizika i mogućnosti, razvoja strategija i zajedničkog djelovanja.

Antalijски diplomatski forum će okupiti lidere, kreatore politika, diplomate, akademike, poslovne stručnjake, predstavnike medija i civilnog društva kako bi razmijenili mišljenja o upravljanju neizvjesnostima i rješavanju aktuelnih izazova, čime bi se doprinijelo inkluzivnijem, pravednijem i efikasnijem međunarodnom sistemu, uz poštovanje dijaloga i solidarnosti.

Cilj ovogodišnjeg Forumu je da obezbijedi platformu za razgovor i razmjenu iskustava i praksi o globalnim trendovima i regionalnoj dinamici, obnavljanje dijaloga i intenziviranja saradnje, uz mapiranje puta ka mirnijem, stabilnijem i otpornijem svijetu za buduće generacije.

U sklopu foruma biće održan i sastanak Balkanske mirovne platforme, nove regionalne inicijative ministara vanjskih poslova Zapadnog Balkana i Turske, koja je pokrenuta na inicijativu turskog ministra vanjskih poslova Hakana Fidana u julu 2025. Cilj inicijative je da se uspostavi platforma za neformalan dijalog i koordinaciju među najbližim partnerima kako bi se unaprijedila regionalna saradnja, dijalog i stabilnost na Zapadnom Balkanu. Ova Platforma predstavlja značajan diplomatski napor usmjeren ka obezbjeđivanju saradnje i regionalne integracije u istorijski složenom području. Treći po redu sastanak Balkanske

mirovne platforme, na marginama ADF-a, biće prilika i za razgovor o situaciji na Bliskom istoku.

Do sada je na Antalijskom diplomatskom forumu potvrđeno učešće brojnih visokih zvaničnika, uključujući, između ostalih, i ministre vanjskih poslova Zapadnog Balkana, kao i većine zemalja članica EU i NATO.

ZNAČAJ UČEŠĆA

Potpredsjednik Vlade Crne Gore i ministar vanjskih poslova mr Ervin Ibrahimović biće govornik na panelu Antalijskog diplomatskog foruma na temu: „Izgradnja mira na Balkanu: dijalog, biznis i povezanost“.

Pored potpredsjednika Vlade Crne Gore i ministra vanjskih poslova mr Ervina Ibrahimovića, predviđeno je da na panelu govore i visoki zvaničnici zemalja Zapadnog Balkana. Do sada je potvrđeno učešće ministara vanjskih poslova Albanije, Sjeverne Makedonije, Kosova i Bosne i Hercegovine.

Takođe, ppv i mvp Ibrahimović učestvovali će i na sastanku Balkanske mirovne platforme koji će biti održan na marginama ADF-a.

Učešće potpredsjednika Vlade Crne Gore i ministra vanjskih poslova mr Ervina Ibrahimovića na Antalijskom diplomatskom forumu biće i prilika za održavanje više bilateralnih sastanaka sa ministrima vanjskih poslova i ostalim visokim zvaničnicima koji će prisustvovati ovom događaju. Planiran je bilateralni sastanak sa ministrom vanjskih poslova Republike Turske Hakanom Fidanom, koji će biti prilika za potvrdu odličnih odnosa dvije zemlje i razmatranje daljih koraka na unaprjeđenu saradnju u oblastima od obostranog interesa.

SASTAV DELEGACIJE

U delegaciji, koju će predvoditi potpredsjednik Vlade Crne Gore i ministar vanjskih poslova mr Ervin Ibrahimović, biće sljedeći članovi:

- državni sekretar Ministarstva vanjskih poslova ambasador Periša Kastratović
- otpravnik poslova u Ambasadi Crne Gore u Republici Turskoj Vuk Rakočević, a.i.
- Perko Mijatović, I sekretar u Kabinetu ministra
- Tamara Volkov, I sekretarka u Generalnom direktoratu za NATO i politiku bezbjednosti

Troškove učešća potpredsjednika Vlade i ministra vanjskih poslova i članova delegacije snosiće Ministarstvo vanjskih poslova Crne Gore.